

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Speculum viduarum oder: Widwen-Spiegel, in welchem
der Widwen vielfeltiges Elend, heilsamer Trost ...
beschrieben werden ...**

Gilbert, Jacob

Braunschweigk, 1613

VI. Teuffel vnd boese Leute machen auch manche Widwen vnd Waisen

[urn:nbn:de:bsz:31-127453](https://nbn-resolving.org/urn:nbn:de:bsz:31-127453)

tes abgewichen / vnd haben nicht erkand seine Rechte /
 Sie haben nicht gelebet / nach Gottes Furcht / vnd
 haben seine Gebot nicht gehalten. Baruch am 4. Also
 lernet manche Widwe erst im Widwenstande vnd
 Elend verstehen / Das sie eine grosse Sünde begangē /
 im dem sie Ihre Kinder verzogen vnd ihrent halben
 zur Widwen worden ist.

Solch Unheil zuuerhüten / ist nichts bessers / als
 das beide Vater vnd Mutter ire Kinder wol erzie-
 hen / zur furcht Gottes halten vnd es also machen /
 das nicht Gott der Kinder halbē Vater oder Mutter /
 oder beide zugleich / eines mit dem zeitlichen Tode /
 das ander mit dem Elenden Widwenstande straffen
 müsse / Sonderlich sollē dis die Mütter / welche Iren
 Kindern allē willen lassen / wol in acht nemē / Syrach
 spricht / Hastu Kinder / so zeuch sie / vnd beuge nē / als
 von Jugend auff / hastu Töchter / So beware ire Leib /
 vnd verwene sie nicht / zeuch dein Kind / vnd las es nit
 müßig gehē / das du nicht vber im zuschandē werdest /
 Sondern halt es viel mehr stets vnter der Rutē / vnd
 zeuch es auff in der Zucht vnd Bermanung zum
 HERRN / das du hernach freude an im erlebest.

Kinder
 sol man
 wol erzie-
 hen.

Syr. 7.

Syr. 30.
 Ephes. 6.

VI.

Teuffel vnd böse Leute machen auch
 manche Widwen vnd Waisen.

Lij

Sürs

Brs Sechste/ Das manche Frau
in den Widwenstand vnd Vielseltiges
Elend geworffen wird/ verursachet der
Teufel vnd böse Leute

Teufel.

Der Teuffel ein Stifter alles Vnglücks vnd
Mörder von Anfang tödtet durch Gottes verheng-
nis manche Menschen/ vñ also auch manchen Man/

Tob. 8.

Wie im Buch Tobix geschrieben stehet/ da tödtet ein
böser Geist Asmodes genand/ der Sara Sieben
Männer nach einander/ daher Sie Siebenmal zur
Widwen werden müste.

Böse
Leute.

Vnd wie der Teuffel ein Mörder ist/ Also richtet
er manchen Mord vnd Todschlag an/ durch böse Leu-
te/ welche manchen Man erstechen oder sonst er-
würgen vnd ombbringen/ daher ein Weib zur Wid-
we werden mus/ Zu Zeiten brauchet er die Zauberey/

Zauberer

die den Menschen gifft beybringen oder sonst sie
tödtet/ Bisweilen erwecket er Käiser vnd Tyrannen/
welche Gottselige/ frome Leute/ die vber Göttlicher
Lehr vnd dem rechten Gottesdienst mit ernst halten/

Kaiser.

Tyrannen.

grewlich verfolgen vnd oft der Frauen vnd Kin-
dern Ihren fromen standhafftigen Man vnd Vater
erbärmlich erwürgen vnd hinrichten/ oder ihnen Ire
Nahrung/ Haus/ Hoff vnd Güter nemen/ ins Elend
verstoffen/ das sie sich darüber zu tode gremen/ Wie

man

man vor Zeiten mit den Heiligen Propheten vnd Aposteln / so wol auch allen Gottseligen Märtern vnd standhastigen Bekennern vmbgangen ist / Oder wie man heut zutage den trewen Predigern vñ Dienern Gottes allerley Plage anleget / die Besoldung vnd einkomen beschneidet / schmälert vnd geringert / Alle bitten ihnen in den Mund zelet / vnd was man geben sol / halb oder vntrewlich oder mit Vntwillen ihnen folgen leset / Daher mancher Pastor vnd Prediger in Melancholen vnd schwere Gedancken geret / Vor der Zeit dahin gehet vnd eine Arme Widwe mit einem Hauffen Vnerzogenen Kindern hinder sich lesset.

Von den Falschen Propheten stehet geschriebē / das sie mit ihrer falschen Lehr die Seelen fressen / Geld vnd Gut zu sich reissen / vnd der Widwen viel machen / In dem sie Ihre falsche Lehr den Leuten auffdringen / vnd wer dieselbigen nicht wil annemen / der mus Haab vnd Güter / ja Leib vnd Leben lassen / vnd also seinem Weibe vnd Kindern zu zeitlich absterben vnd durch den Tod hin gerissen werden.

Ezech. 33

Wie manche Widwen müssen worden sein / als die Tyrantischen Kaiser / Nero, Domitianus, Trajanus, Antonius, Severus, Maximinus, Decius Valerianus, Aurelianus, Diocletianus die Christen ver-

folget vnd manchmal in einem tage etliche hundert
getödet haben?

Ja der Teufel erreget noch heut zutage man-
che Käzer vnd Tyrannen / welche manchē Man auff-
opffern vnd seine Frau vnd Kinder zu Widwen vnd
Waisen machen.

Was für
die so un-
schuldig
verfolget
werden.
Ephes. 6.

Wie helt man sich aber zu solcher zeit /
wann der Teufel vnd böse Menschen also wüten vnd
toben? Die Schrift weist vns / das man mit dem
Schwert des Geistes dem Wort Gottes / vnd dem
Gebet zu Gott gerüstet sein / vnd den Harnisch Got-
tes / den Schild des Glaubens / vnd Helm des Heils
ergreifen sol.

Muß man aber ja etwas vber der Wahrheit
lassen / tröste man sich seiner guten Sache / guten Ge-
wissens / Gottes Gegenwart vnd Beystandes vnd
der künfftigen Ewigen Herrlichkeit im Himmel / Da
sols vns alles wol vnd reichlich erstattet werden /
Was wir vmb Gottes willen Verloren vnd hinge-
geben haben. Dagegen so sollen Teufel / böse Leute /
Käzer / falsche Propheten vnd Tyrannen schrecklich
gestraffet vnd welche alhier nicht bekeret werden / mit
den Teuffeln / dem sie gedienet haben / in den feurigen
Pful / da sie ewiglich gepeiniget werden sollen / ge-
worffen werden.

Gott